



## საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

### გერმანე მღვდელმონაზონი



გერმანე  
მღვდელმონაზონი.  
პირველი  
საღვთისმეტყველო  
სახელმძღვანელო 1711

გერმანე მღვდელმონაზონი (გ. 1739), საეკლესიო მწერალი, თბილისის სიონის ეკლესიის მსახური. ვახტანგ VI-ის თანამშრომელი კულტ.-მნიგნობრულ საქმიანობაში.

1710 მისი რედაქტორობით დაიბეჭდა „კონდაკი“ (საეკლ. საგალობლები), 1711 მხედრული შრიფტით დაიბეჭდა გ. მ-ის წიგნი „სწავლა“ – ღვთისმეტყველების პირველი ქართ. სახელმძღვანელო. ნაშრომი დაწერილია მარტივი, გასაგები ენით („საერო და სოფლური ენით“), იგი XIX ს-მდე გამოიყენებოდა და ხელნაწერების სახითაც მრავლდებოდა.

გ. მ-მა დიდი შრომა გასწია ქართული წერილობითი ძეგლების შეკრებისა და დაცვისათვის. მან მოიძია და განაახლა ვარძიის ხელნაწერი (მათეს თავის თარგმანება იოანე ოქროპირისა, კ. კეკელიძის სახ. ხელნაწ. ინ-ტი, A-365).

1724 გ. მ. ვახტანგ VI-ს გაჰყვა რუსეთში, სადაც განაგრძობდა სასტამბო-მნიგნობრულ მოღვაწეობას. მისი რედაქტორობით 1738 მოსკოვში დაიბეჭდა „ბატიკი“.

თხზ.: სწავლა თუ ვითარ მართებს მოძღვარსა სწავლება მონაფისა, ტფ., 1711.

ლიტ.: შ ა რ ა შ ი ძ ე ქ., პირველი სტამბა საქართველოში (1709-1722), თბ., 1955.

